

FAKANOFOGA MO MATE I TE VAITIMI O TE FAMAI COVID-19

Fakanofoga mo Mate - se mea 'tau ke fakamafuilifuli tou faifaiga i taimi o te faigata tenei.

Kaiga fanoanoa mai sose tuu mo aganu pela foki mo tino mai koga valevale ka pokotia i te vaitimi nei. Tela la ko ala ei o fakataua te tulaga o te fakatau alofa mo te atafai o te sua tino ki te sua tino.

Tenei la ko isi ne fakatonuga tāua ko oti ne fakanofoga mo taimi o te Tapula Puipui Levolo 4 (Alert level 4) manafai e isi ne kāiga o tatou e afaina o lotou ola. Fakatonuga konei e aofia katoa i ei tino katoa, sose Tuu mo Aganu pena foki sose talitonuga.

Ko tena uiga la tou faifaiga fakatasitasi mo nisi tino, tou faifaiga i tou tuu mo aganu ka fakamafuli katoa loa.

Ko fakamatalaga konei e fakaautu tonu loa mo fesoasoani ki tou tino Pasefika i taimi o te faigata tenei, kae ke mafai foki o tautali ki fakatonuga mai lalo o te Tapula Puipui Levolo 4 a te Minisituli o te Ola Lei mo tulaga o Mate mo Fanoanoa. Ko tena uiga la **ka sei loa ne faifaiga fakamaatea ki tulaga o teuteuga o tino mate** ke oko loa ki te taimi e toe fakailoa mai ei.

MO TINO PASEFIKA TENA UIGA:

- Faifaiga masani i tuu mo aganu faka Pasefika ka se mafai o fakataunu i te vaitimi e nofo ei Niu Sila i te tapula puipui levolo 4, kae mafai ne koe o fakaaoga a mea tau initaneti pela foki mo te faipati i luga i vitio mo telefoni.
- Sei ne fakatasitasiga e talia, i sose tulaga. Pela mo, tanuuga, taimi e sunu ei foitino, lotu fakamanatu, aitagi, lukulukuga io me 'kaiga mo sose fakafiafiaga, i loto io me i tua o te fale.
- Te fakatonuga tenei e aofia katoa loa i ei so se tino e mate, e sei se fakamasinoga me ne mate i te taimi fea io me i te koga fea, io me sea foki te pogai ne afaina ei tona ola.

LOTU O MATE

- So se takitaki o so se kaulotu, kāiga io me ko taugasoa o te tino mate e tau katoa loa o tautali ki fakatonofoga o te famai tenei ko te COVID-19 manafai Niu Sila koi nofo loa i te Tapula Puipui Levolo 4.
- A latou e galue i fakatokaga o mate kola e saoloto mai lalo o tulafono e tau o fakailoa ki ei ke panaki mo latou te fakatokaga o sose tulaga e tau atu ki te tanuuga io me ko te sunuuga pela foki te aveavega o te tino mate i luga i Niu Sila.

MO NISI FAKAMATALAGA

Sokotaki ki Tino tausi mate e pili kia koe www.fdanz.co.nz
Minisituli o te Ola lei www.health.govt.nz
Minisituli mo Tino o te Pasefika www.mpp.govt.nz
COVID-19 www.covid19.govt.nz

FAKANOFOGA MO MATE I TE VAITIMI O TE FAMAI COVID-19

- Kaiga mo fakapotopotoga e tapu te galue ki luga i te tanuuga, io me ko te sunuuga pena foki te aveavega o tino mate e aunoa mo se sokotakiga ki a latou e panaki mo tulaga o mate kola ko oti ne fakasaoloto mai lalo o te tulafono.
- Ko latou kola ko oti ne fakasaoloto i lalo o tulafono ke panaki mo mate e fakamalosigina ke fai te lotou galuega ki te tanuuga io me ko te sunuuga i loto i se taimi toetoe kae ke mafai foki o sokotaki atu ki a koulua mo fautuaga valevale kola e 'tau mo te tulaga ko 'nofo koulua i ei. Kae, e mafai loa mea konei o se taunu. Tela la kaiga e akai atu ke mafai o tautali ki fautuga konei:
 - Ko faiga o mate ke tuku ke oti te Tapula Puipui Levolo 4 mo ana fakatapuga. Kae ke nofo fale io
 - lua mafaufau me seiloa tonu ne tatou me mafea e oko ei ki te tulaga tena.
 - Tino galue ki mea tau mate e mafai ne latou o fakaokooko atu a ata i taimi e fakatoka ei te mate/tanuuga i luga i te initaneti io me i ata mo onono koulua.
 - Sunuga o te foitino o te tino mate mote tanuga o lefu i se taimi mai tua. Fakaoko lua fakatokatokaga io me ko lotu fakamanatu i se taimi fakamuli, mafai ko tápale a fakatapuga o maopoopoga kae ko lei foki te maopoopo.

ONOONOGA O FOITINO

- Ka isi se avanoaga mo kāiga kola ne nofo tasi mo te tino tela e afaina tona ola o olo atu ki te koga tausi tino mate o onono i te foitino.
- Nisi kāiga mo taugasoa kola se nofo tasi mo te tino tenei e mate e tapu mana olo ki te fale tausi tino mate o onono.
- Te onoonoga o foitino e saoloto fua i koga tausi tino mate kola e fakagaluegina ne tino tausi tino mate kola e saoloto i lalo i te Tulafono mo te fakai loa tena.
- Se mafai o kave te foitino o te tino mate ki tua mai te fale tausi mate i sose taimi maise i ei mo tino fia onono ki te foitino.

MO NISI FAKAMATALAGA

Sokotaki ki Tino tausi mate e pili kia koe www.fdanz.co.nz

Minisituli o te Ola lei www.health.govt.nz

Minisituli mo Tino o te Pasefika www.mpp.govt.nz

COVID-19 www.covid19.govt.nz